

德

蔭

堂

集

德蔭堂集卷六

長白阿克敦撰

曾孫那彥成校刻

東游集

出都

帝城陰靄絕輕埃欲賦皇華愧乏才此去海東關  
塞外身攜雨露自天來

鳳凰城

鳳皇山外馬行東野宿全非內地同張布作帷纔  
蔽日結茅成屋不禁風

渡鴨綠江二首

徐西華集 卷六  
路入朝鮮第一程萬山殘照帶邊城杯盤餉客冬  
難識風雨還深故國情

古渡依城郭寒江空復明近通滄海濶遠出白山  
清浪疊微風起光搖淺碧生漫勞天塹固今日少  
邊情

途中卽事

一車兩馬踏飛塵景物朝朝觸目新恠底殊音來  
入耳高張帟幕進茶人

黃笠可通關尹意白衣也誦梵王經東方二氏原

非重文是尼山武壽亭

黃笠白衣僧道之冠服也  
朝鮮好鬼而不重二氏春

秋祀者惟孔子關帝而已 孔

羽毛插帽步相從接隊前驅有幾重蹊轉雙旌無

仰視路人伏地意尤恭

護兵居前從者皆戴羽毛路人見使者過則皆伏地

爲敬

遮道歡呼聽未真倩人傳譯更情深祝言

天子多仁壽今日承恩到海濱

沿途白叟黃童莫不感戴皇恩望

塵環拜

田畝亦知營水利人家大半近山居松枝折得添

籬落蒼翠蕭疎映草廬

幾番雜戲道前來蕭鼓聲中響似雷忽到馬前還

暫立一人舞蹈笑顏開

臨津江

千尺危巖倚碧濤晨凌古渡一登臨岸沙帶濕潮  
初退江樹經烟綠更深廣陌風和吹麥浪平疇水  
淺露秧針此間舊有幽棲者花石亭名直到今前代

有隱者構亭於此名曰花石土人美之

行館卽事

粗通言語效中華官是鴻臚古大加人意未能全  
解釋有時書代數行斜朝鮮舊以鴻臚主賓客卽大加也俗名差備朝夕侍

奉左右以通言語

見人蹲踞渾閒事趨走庭前禮數繁革履風巾仍  
是舊異鄉留此暫盤桓

以蹲踞爲常以趨走爲敬  
習俗然也黃革履折風巾

則仍古  
制矣

### 題葱秀驛玉溜泉

絕壁名泉落尋幽過小村清冷珠影碎颯沓雨聲  
繁陰覆虬松葢寒生碧蘚痕莫愁征路晚且復滌  
塵煩

### 都城

都城繁盛異尋常此日爭看士女忙行到街頭廬  
舍畔瓶供清水案焚香

暫見裙衫亦駭然盤旋雲髻近前邊丰姿原不同  
中夏濃淡粧來却可憐

途次鳳山雨中見山杏山梨杜鵑

野杏溪邊氣正融枝頭爛漫曉濛濛四圍松老連  
香雪點染春光三月中

陰雲覆地草含芳壓樹繁華艷粉粧開向東風朝  
帶雨玉人何事斷柔腸

片片峯前罩綺霞紅鋪滿地杜鵑花海東舊少劉  
郎種留取嬌姿伴柳斜

登平壤練光亭

明時使人題額  
曰第一江山

獨倚危欄俯大同江天無際思無窮萬家烟火依  
長岸一帶峯嵐入遠空野靜人耕芳草外波恬帆  
掛夕陽中舊封尚有遺楹在不愧標題壓海東

紫樹吟

大同江上紫樹林交加枝幹成濃陰車行十里不  
見日清風匝路飄衣襟影涵一水隔城市雲翳四  
面開遙岑沙堤幾曲迷芳草上有能鳴之好禽聞  
說手栽自箕子歷年千百猶蕭森歲荒民多食其  
葉拯災尤見先哲心我來到此不忍去晚風吹客  
留長吟



卽事

宏濟院邊催曉發慕華館外駐征鑣駕班排立虔

瞻拜五色天書下絳霄

慕華館距城十里國王出城至此行迎勅禮

麗人武事自稱雄短劍寬衣襯小弓馳驟憑他執

鞭者空傳果下是朱蒙

朝鮮稱三尺馬爲朱蒙所乘果下種馳驟一隨步從

弓劍最小

武事下矣

結綵高懸崇禮門肩輿雲擁一城喧避人清道迎

天使引入藩宮禮更尊

早設重茵便殿中升階就位列西東向臣頻問

天顏喜心感

皇恩異數隆

館舍偶吟

東蕃賜土位諸侯素簡書名內使投自是主人情

最篤不關文綺與精鏗

別時國王用素簡書名遣內使至館餽贐

宴款

海珍山果做華筵面面屏開簇簇鮮酒上一杯花

一獻吏人纔退樂人前

悠揚幾曲度夷歌舞袖雙雙按節和可惜筵前空  
一醉不知音處負人多

義州馬尾山

巋然高聳郡城樓烟火人家隔岸浮最愛鬱葱西  
北望懸崖直入大江流

歸渡鳴綠江

風雨長途動客顏馬蹄行過萬重山相看却有殷  
勤意鳴綠江邊共送還

掌院阿公向從先君子遊余得與共几研者數  
年既余奉母浮家而南公卽入館閣躋優崇

聖祖仁皇帝避暑塞外往來扈從者十年於其間  
奉使朝鮮者三朝鮮去京師三千五百里公連  
使俱以兩月還經途萬里其再使除夕作有一

杯濁酒千山外萬里長途兩月中之句公承  
恩密勿不遑以一日燕間居余間歲來京訪公必  
留宿公齋得一見固不暇請公之文詞及詩律  
讀之今歲余以教習留京師公奉使中州回稍  
得退食之暇遂館余於別墅乃得讀所爲文詞  
并讀使朝鮮所爲東游集寫其山川人物習俗  
禮儀而意韻悠揚則斐然情深於言外乃與余  
論詩謂景則一耳情則生於我而遷變不窮耳  
今日景肖矣詞工矣而情不屬是無我也夫景  
則一而我之時與地不同我不可泥於我况無

我乎因又追述先君子言論古人必有其所感觸之情而發聲涵韻乃見爲慷慨抑揚悲憂喜悅時言其用意栩栩然如見其鬚眉而跌蕩其情性沉酣其旨趣聞之者罔不神動意躍躍而喜余姊丈蔣山潭善行楷嘗作爲諸體法情至意生則不知其心與腕化公請作書縱觀其作數寸字及聖教序季直表十三行諸法余適讀公東游集朗吟相和而山潭作字益道老渾勁余卽以公詩請山潭體法爲小楷以雜記詩二十首書之爲一冊曰朝鮮自箕子傳國其風猶

有近古者至習俗之言語衣服飲食歌舞且以  
廣域外之遐觀乎而我

太宗文皇帝破其王都追之至南漢山城獲其妻  
子於江華島然終封其社稷及今久遠感戴

天朝逢

勅使臨其境其朝臣拜舞其士女伏地爲恭書之  
不又有所重乎公諸詩調格清深余三復之而  
不能已其再使入境之作曰兒童欣識面官吏  
素知名雖記其實乎然公以華國之才從容帷  
幄知名固且及於遐陬也余與公同几研及今

二十餘年故人談讌不稍異於曩時則公翛然其無物又其所以情深也記此并囑山潭爲小行於詩後隆川王兆符跋

憶辛巳余於大興書院晤今掌院阿公別已二十有三年矣癸卯中春余將北行妻弟王子隆川曰阿公英年任少司馬位雖尊於故舊誼殊厚子其謁之至京師懷札未敢往隆川繼至欲偕余行復不果夏六月余寓內城阿鶴亭太史家相去數武尙遷延自重九隆川來寓公所遂日夕還往頻止宿焉公量寬洪容我踈放掀髯

飲酒醉則狂笑作擘窠大字公出所藏前代內  
庫紙屬書又以奉使三至朝鮮其國王李氏父  
子通問繭紙厚潤堅白屬臨晉魏各體書旣而  
欲以所著東遊草中錄雜記詩二十首作一冊  
隆川爲之跋余因知已之愛不敢辭然又移外  
城齋褊小而暗兼有蒙童縈心聒耳遂乏興會  
殊負盛懷錄畢因識之冬十月旣望山潭老布  
衣蔣衡跋

冲和學士以華國之才三使高句麗熟觀其風  
土習俗輒爲短句紀之余牽滯京師十有四年



未嘗出國門不知高句麗爲何境然每讀東游  
詩便覺朗朗如見也今年春復奉使高句麗當  
更有新詩他日歸來得復從學士借觀便如武  
陵漁人再入花源矣雍正三年正月廿有一日  
良常館後學王澍書

元孫容

照校字

德蔭堂集卷七

長白阿克敦撰

曾孫那彥成校刻

南遊集

沙河站

五月征途日正長  
那堪旅館又斜陽  
到來移榻空庭坐  
一樹榴花納晚涼

觀刈麥

黃雲連野濶  
麥熟及新收  
家有倉箱滿  
田仍滯穗  
稠薰風能解愠  
好景更占秋  
飽食村村樂  
應寬宵肝憂

再疊前韻

曾見春苗盛今來麥有收登場連樹起比戶似雲  
稠婦子應知喜盈寧不待秋來牟詩可咏無復一  
夫憂

廬州道中

密雨濃陰暑氣催客中行過郡城隈沿橋柳岸輕  
舟泊傍舍荷香淺沼開千畝稻秧村婦插一蓑牛  
背牧童來江南風景朝朝見未暇停驂問酒杯

喜晴和嚴景淳仍用前韻

雨過黃梅候橫空宿靄收岸痕新漲退山色遠林

稠水放田宜稼雲高氣若秋嶺南行漸近登涉可  
無憂

苦雨和錢丹士仍用前韻

客路連朝雨弓衣總未收水流千澗急雲起萬峯  
稠棹近畦邊樹涼生象外秋郵亭聊駐馬留滯不  
須憂

雨中口占

雨接朝昏已匝旬炊烟生處午雞聞南來驛路三  
千里不畏炎風畏濕雲

小路口曉行

水阻荒村客睡酣朝來乍喜露峯嵐飛雲肯斷長  
途雨直放風帆到嶺南

舟行卽事

雨歇今朝見楚山宿雲飛倦也知還可憐舟過村  
前樹頽壁無人不掩關

晚渡大江

黃梅道阻客心驚潦水移舟兩日程却到江心風  
浪穩一帆斜掛夕陽明

九江曉發

潯陽城枕大江深曉發征衣露氣侵夾路稻香風

細細隔溪村舍樹陰陰山僧擔米行還話野鷺栖  
田起復沉慚愧廬峯當面過王程計日未追尋

東林寺和陽山人壁間韻

江水兼天失岸草扁舟晚渡波光好廬山一面峙  
城南峯勢插空青未老虎溪泉響戛玉哀古栢森  
森石徑開炎風吹雨雨方霽有客策馬東林來人  
生何事多俯首高躡層雲呼美酒晉代風流今已  
陳此中所得誰不朽蓬瀛名籍在仙庭放懷偏喜  
狎鷗汀登臨未盡心長往烟霧迷離空復青

建昌江次香山韻二首

行旌來向晚風前沙岸停驂解泊船可得挂帆從  
此去溯流直達穎江邊

先生詩見廿年前今日江城渡口船欲起先生問  
詩思瀾漫烟水正無邊

再用東林韻和錢丹士滕王閣之作

人事秋花與秋草江天不改風光好滕王遺構至  
今存登臨幾度嗟空老閣中莫爲帝子哀棟宇依  
然向客開浦雲山雨朝還暮長波滾滾西南來停  
車隔岸一舉手主人招歌復置酒罷歌止酒亦成  
歡淡永之情自難朽凌晨旅館出荒庭點點鷗鳧

傍野汀飛帆且上章流去烟抹樓臺遠樹青

舟行得風和嚴景淳韻

嶺北諸川滙流駛直下千里勢難止江樹青蒼江  
霧開唯見排空一江水我舟南來行遲遲落日卷  
波波光紫忽報旌麾飄向前靈風吹動中心喜整  
理檣桅不暫停呼神聲震船家子晚烟漠漠影茫  
茫片帆高掛月明裏良夜何須借管絃深港孤燈  
漁唱起

六月十五夜峽江縣舟中

夾岸青山遠近同烟波一望思無窮清風吹我船



頭立影在江中月在空

度梅嶺

一幹中分地勢全諸峯羅列起雲烟南臨東粵三  
峯近北控西江九派連學士詞章悲故國將軍鐵  
甲泛樓船於今嶺外通交海疆宇無分共此天

九日五詠

余以書生謬膺重寄時維丙午之九日有  
事東郊軍容與皎日爭輝士氣較霜風更  
勁益觀兵也既而登城循行北面雉堞透  
迤蜂巒凹凸而巋然獨聳於山城之上者

則鎮海樓焉樓有五層俯臨全粵形勝之  
奇歸於一覽不覺添我壯懷然愧無作賦  
之才聊作挽弓之興集軍士而較射非復  
霜螯籬菊之雅致矣未幾明月東上再登  
署樓偕同人以快良辰仍是書生故態因  
歷敘其事記以篇章以備他年佳話不計  
工拙也

觀兵

虎篆深慚擁重兵登壇猶是一書生日臨甲冑騰  
人馬風動旌旗振鼓鉦秋色正宜輝柳塞海氛不

起靜羊城由來盛世還言武有備何妨詠太平

閱城

秋風立馬望中間越相功高指顧間梅嶺北來山  
拱抱珠江東去水回環舟通絕域連千島峒帶嵐  
烟控百蠻此日版圖卑漢帝尉佗猶得據雄關

登鎮海樓

五層樓起一峯巔獨倚危欄思渺然近海涼颼吹  
落帽附城烟火看燒田粵中山水多舒眼嶺外風  
光莫比肩漫謂登高還未足此身高出碧雲邊

較射

爽入高空露翠微  
閒亭較射未言歸  
西風颯颯知  
弓勁落木紛紛挾  
矢飛不見菊花酬  
令節好穿楊  
葉到斜暉羽林軍  
士休相角中的無  
心久息機

小集

再登傑閣爲重陽  
偶集同人夜未央  
月色入簷清  
似水榕陰當檻暗  
聞香八千里外渾  
忘客二十年  
來此舉觴直欲凌  
虛至蓬島茱萸不  
插興偏長

白雲山詩

余駐節羊城自秋徂冬未嘗一遊郊外  
十一月月上旬因習軍務移營於城東北公暇

同巖景淳文學訪白雲之勝徒步攀援登  
高峯以望滄海誠大觀也然名利如景泰  
寺者半屬廢頽過安期生飛舉之墟不覺  
流連久之乃下下至蒲澗與老僧一話未  
竟其興復覓路詣滴水巖時日色將暝而  
僕夫憊矣噫人生山水之緣不可多得况  
王事在身乎歸來見巖子之詩爰步其韻  
以和焉

摩星嶺

境在寰中得心從物外求松濤匝地起海氣接天

浮山勢環千點人烟俯一州白雲飛不盡高步壯  
斯遊

仙崖

絕壁臨深壑盤旋側徑開乘風人已去破曉我重  
來黃帶林中葉青餘石上苔放懷塵跡少卽此是  
天台

蒲澗

嶺外風光暖冬時尙有花小橋通澗水高樹拂雲  
霞問藥仙人谷彈棋老衲家過山還訪勝薄暮興  
何賒

滴水巖

攀石天何巧懸崖瀉溜深攀援驚路斷杖履倩僧尋  
尋碧蘚都成古清泉認自今不須雲出岫流潤已  
甘霖

是詩也冲和公遊白雲山與嚴景淳文學倡和  
詩也歲丙午十一月朔公攝將軍篆例得統率  
官兵會城東北行營習技試礮距營五里爲白  
雲山公至之翼日登山厯尋諸勝煇適畏風城  
居未及從遊公獨偕景淳登山凡足力可到探  
覽幾盡讀公和景淳詩如見白雲星嶺仙崖蒲

澗滴水巖之勝而公猶以爲未足將環東北之  
山而遍至焉適新將軍莅任有期公遂入城交  
符節登舟泝江抵肇慶縱欲再至白雲而

王事倥偬斯遊最爲難得烏可無詩以紀其盛  
耶煊自五月八日出都追隨南行公渡九江有  
詩匡廬東林寺有詩過南昌不及登滕王閣有  
詩踰大庾嶺又有詩或歌行或近體煊與景淳  
無不屬和至廣州九日公賦詩五章煊與景淳  
亦皆和焉公之高懷健筆深媿未能繼響然勝  
情勝事似有數焉不能忘也煊旣未獲登山雖



誦公之詩終難以續斯遊之勝而又從公抵幕  
府則所謂白雲山者止付之低徊想象而已是  
遊也是詩也豈偶然哉宜公賦詩之不已而又  
爲之序以誌斯遊之難得也秀水錢以煊謹跋

元夕次韻

上元燈火萬家同散入江風鼓吹中慚愧輿情知  
獻歲喧闕一帶到城東

盆蘭香發對冰姿忽報光華近署墀就裏魚龍陳  
百戲太平人樂太平時

蕭疎不用晚衙排那復張筵與衆偕童叟共歡今

夜永相看笑語滿前堦

嶺表年華新改序端城纔自穗城來心知歲美當  
先應百粵無邊春早回

觀水師

牂牁江繞肇城前春水新添演戰船兩翼平分軍  
隊整一梭如織陣圖連旌旗影動搖青嶂鼓角聲  
喧極遠天最是昇平爛武事鯨波何處有風烟

舟中見紅葉

嶺外多爰熱深林葉不秋沒黃纔欲落新綠又旋  
抽使節西來日灘江直上頭山中有霜樹紅映一

帆流

再疊前韻

飛灰已應候紅葉似深秋傍水光如洗綠峯勢若  
抽日開寒霧後舟過石灘頭愛此清逾艷乘風更  
溯流

過平峽和范炳均韻

颯颯寒風漠漠烟蒼梧郡北水雲邊棹移亂石形  
相錯帆上層灘影倒懸翠黛直疑蓬島地丹楓猶  
認晚秋天峽中光景非圖畫不是身親不足傳  
夾峙奔流莫可攀峯峯疊出綠文斑南風送客吹

江雨西粵宜人在霧鬢惟有鳥飛來象外更無塵  
染到人間輕舟盤折多生面一任烟嵐自鎖關

卽事

百感侵人滯客程孤踪今日在羊城酒能澆悶新  
除飲詩可消閒早避名五嶺梅花天外夢一牕燈  
火歲寒情春風有意如相待枯質還因雨露生

過呂仙祠

萬感縈心不少停仙家夢裏却能醒黃梁未熟先  
知幻不必黃庭再授經

當年一枕竟如何古寺徘徊入望多待我重來尋

勝地清池弱柳自猗那

聽說芳踪載筆來春陰漠漠暗高臺出門不畏征  
途遠鞭指荒村首尙回

盧生一卧古祠新未斷炊烟悟已真爭道神仙能  
醒世神仙亦是夢中人

人世常存入夢心等閒雲水漫追尋我來十丈黃  
塵裏路繞邯鄲下馬吟

元孫容

照校字

德蔭堂集卷八

長白阿克敦撰

曾孫那彥成校刻

隨征集

青塚

蒙古名青塚曰鐵木爾鄂爾古蓋言鐵木爾之所獲也

立馬城南青塚畔幾回憑弔倍傷神  
男兒不建邊庭業爭似明妃作塞塵

過大青山

大青山勢接城陰峻嶺盤雲宿雪侵  
此去漫言邊域遠思將滅寇報恩深

十二月十五日途中卽事

曉起移行帳團團烟火稠馬嘶殘雪裏人到半山  
頭日瘦光無力風寒勢未休前途當努力含笑看  
吳鉤

元日索隆噶得爾素孟叅領以蠟作梅花一枝  
枝兒贈漫賦

歲朝光景朔方同那得梅花毳幕中點染踈枝酬  
客况依稀嫩萼露春融非關剪綵誇新色却訝衝  
寒破曉風野外不知霜雪重好將人事代天工

正月七日博羅阿濟爾漢傅都統寄詩卽用  
原韻代簡以答之

人日來佳句殘年憶別期長風連野濶大漠入山  
遲藝水能添暖烹冰可助詩軍中清意味惟有箇  
中知

戈壁道中

蒙古名瀚海曰戈壁

已傳巖合曙光明野水無邊瀚海橫漠漠沙中迷  
舊路茫茫天外計前塵遠山似岸平鋪起亂木如  
堆間段生祇有駱駝宜此地不須水草也能行

題紅梅屋

三間茅屋向陽明點綴梅花壁上橫不寫冰姿邀  
素月欲將春意潤邊城



依稀踈影帶紅香  
艷著寒林壓衆芳  
約畧丰神誰可似  
天然國色試濃粧

絳霞枝上染輕烟  
移得清芬到眼前  
莫道朔方山雪重  
於今雨露自南天

又題二首

也在衝寒冒雪中  
玉肌無意染春風  
任人著眼看紅粉  
色相何妨性地同

滿紙繁英嬌欲然  
却橫老幹氣無前  
當年記得維摩卷  
天女由來會解禪

後八月十七夜和韻

平嶺斜陽下戍樓晚來人共小亭幽二年客在長  
榆半八月霜飛大漠秋寒透草衣風瑟瑟坐移行  
漏夜悠悠庭前幾點殘花影莫折花枝當酒籌

奉使西域集

八月九日出都示阿桂卽用原韻

丈夫思報國策馬出神京非務通西域須知重遠  
行好生安物類裕本息邊情囑爾無遙望三春歸  
路平

臨潼溫泉

華清泉水古稱奇西近長安問路歧未有豐碑傳

往事祇從蕭寺覓新池紅塵驛館三千里繡嶺松  
風十二時清磬一聲山色暮融然到此蕩襟期

白水驛曉發

明星東起沒長河曙色將開月色和寒近塞垣風  
已勁氣分秋令序方過平林木葉霜中老半世年  
華馬上多此去關山逾萬里壯懷爭肯自蹉跎

出嘉峪關

酒泉邊郡設關雄險障三秦一綫通勢帶層山綿  
積雪界連大漠鼓長風五原據地猶居內萬里營  
城遠在東今日田廬平野濶伊州車馬日怱怱

哈密

最爾伊吾地西通路正賒衣冠別蒙古城市類中  
華引水能知稼分畦善種瓜

聖朝深護惜村落有人家

澗石圖嶺

澗石圖者番語碑也嶺上有唐侯君集領兵十四萬西征之碑而字已剝落不成文矣

綿互幾千里東西一幹長嶺分寒燠候書隔雁魚  
行萬里行沙磧三秋肅雪霜

王師新奏捷不日靖巖疆

十一月十九日過陽關

古人離別重陽關西出於今過此間只有頽城依

亂草更堪寒日下空山千秋事業拋荒塞萬里風

塵老客顏定遠勳名無片石一杯清酒弔河灣關陽

之西有河名瑪納斯其流甚鉅南帶天山北據瀚海設關以此爲險

塔爾奇嶺

噶爾丹策凌之巢穴在伊犁是嶺乃其門戶也

雲滿陰山勢自橫中通一嶺類關城飛泉百道從  
雲落亂木千重繞澗生巖側有時難並轡石欹無  
處不遮行蠢愚恃此成巢窟化洽行看險亦平

伊犁除夕

蘭蕙誰爲伴虎狼深穴中柳墻殘雪白毳幕客燈

紅風景他鄉異年華此日同明春新月上馬首好

行東

鳴爾丹策凌有  
月上送行之語

和閣峯侍郎伊犁還旆原韻

絕域皇華使雙旌嶺外看廿年兵事息一詔遠人  
安虎穴探非易巖關閉亦難

聖謀天意合歸路少春寒

再過陽關用閣峯侍郎韻

衝寒破雪曾經此行盡三冬客未閒  
丹詔已宣西域外春風白首入陽關

宿烏魯木齊

漢之輪  
臺也

詩

吐蕃界北有空城西距陽關第六程雪滿荒蕪連  
野澗春回林木帶流清戍兵自古需屯策柔遠于  
今識虜情欲向輪臺尋舊址萬山高聳一峯明

一峯

獨出衆峯之上數百里外見之蒙古呼爲博克大

再用前韻

昨日行旌過漢城春風二月計歸程重詢番語知  
名久

烏魯木齊者番語種稻之所因以名城烏魯木以番音切之則得輪字

又見寒

風積雪清千古是非憑往事百年踪跡付閒情天  
涯有伴酬邊况人在穹廬夕照明

途中卽事

博大山前策馬來邊笳一曲度聲哀漫因沙漠思  
楊柳已有春風送客回

亦力把力

暖日晴和客向東巋然望裏認前踪一支獨出天  
山外三面平臨瀚海中昔去尙知羌虜詐今來無  
復戍烟濃任他此地爲疆界覆載何曾有異同

準噶爾使者

噶爾丹策凌以吹那木  
喀諾揮尼充使者入貢

綠衣花滿稱身裁萬里行隨使節來已罷烽烟瞻  
化日頓教寒谷變春臺馬嘶陰嶺風前立人過陽  
關雪後回謾說異鄉逢異客天顏每共笑顏開



準噶爾歌

噶爾丹策凌之部落名準噶爾

緬惟有元主中夏版圖日拓朝外夷西塞四種厄  
魯特駝馬牛羊分牧之種類之中準噶爾善於牧  
馬日蕃滋部落酋長課勤最屢降丹書晉太師元  
祚寢衰帝北狩一傳再傳不自持額參強盛收蒙  
古土木之變是所爲額參太師者噶爾丹策凌之  
先祖明正統之蒙塵乃額參  
收蒙古以後事今蒙古紀載甚詳明  
史曰也先蓋漢譯番言額參之誤也元帝子孫號  
戴廕剪伐厥後威更施嗟彼喀爾喀實乃有元之  
本支叛虜不臣肆侵擾渙散奔走何慘淒

聖祖納降誅有罪噶爾丹滅無子遺兄子策旺遜

西域策旺阿拉布坦者噶爾丹之姪噶爾丹娶其母而殺其弟故遷走西域收敗亡之餘卒取回地以苟安於世飾詐欺子濟父惡惟恃遠噶爾丹策凌者策旺阿拉布坦之子跳梁小醜亦太迷我武維揚殲逆寇年來膽落望風靡將士鼓勇思奮擊直搗其巢及此時

帝曰普天之下皆赤子雖在殊俗忍視歧按兵不殺俟悔悟予以自新一介馳好生之德洽蒼昊蠢爾悅服中心移表上謝過遣貢使臣得遭逢千載奇天時人事詳審度臣敢拜手以獻昇平詩

三月十七日進嘉峪關

天外征途日復西漢關今得趁春歸花開笑面知  
人意柳拂長眉送馬蹄塵靜玉門來貢使表通金  
闕又蒸黎登樓莫獻籌邊策

關樓名  
籌邊

聖主深謀靖勃鞞

代簡寄德中丞同年

二萬行程返暮春酒泉郡裏是關津到來坐對高  
懸榻欲說萍踪憶主人

見花

四載皇華邊塞外一枝花未露春光烟村細雨飛  
楊柳紅白參差出短墻

再使西域出山有作

暮年惟嗜靜謝客問滄津  
野色娛情久山房被  
召新旌麾馳遠域雞犬付東隣  
不敢貪泉石天心  
厭塞塵

塔米爾軍營

出京方廿日飛騎五千程  
筋力雖云老心神轉倍  
清風沙仍塞野旌旆復軍營  
早晚臨西域籌邊慰  
聖情

過察漢叟爾

扎布河邊牧草肥薰風吹柳換  
征衣荒城有路烽

烟息故壘無人燕子飛昔日雲屯多羽騎今來山  
淨見斜暉白頭未了邊庭志萬里長途任馬歸

過阿爾泰嶺

一幹來西北迢遙勢不羣諸山皆拱衛衆水自平  
分雪色千年在風聲萬壑聞征裘當暑月策馬入  
層雲

宿巴爾坤城東

十萬雄師鎮一城將軍昔日未停征年來烽火寧  
邊塞路達戎羌識

聖明陰嶺尙餘寒雪重冰湖仍帶暮雲平已空營

壘無人跡獨向荒蕪認舊程

元孫容

照安恩

校字

德蔭堂集卷九

長白阿克敦撰

曾孫那彥成校刻

扈從集

聖駕東巡

盛京展謁

祖陵大禮慶成恭紀五言排律四十韻

聖孝隆追遠時巡典禮虔修明三代協述作一朝

全穆穆

皇心洽巍巍

祖德宣重熙當景運大饗合人天地闢神臯迴星

德蔭堂集

卷九

扈從集

十一

分箕斗躔鴻模常裕後駿業肇開先舊有衣冠在  
長懷弓劍傳十行頌

鳳闕六駕整

龍輶展謁趨

丹寢周行歷朔邊東瀛諸水會北幹萬峯連佳氣  
園陵繞歡聲衢巷闐

季思遙合漠鉅典特光前入

廟申瞻拜登禋薦豆籩黃流初灌地寶鼎載升烟  
玉幣森重幄牲牢列綺筵優乎覘陟降恍若奉周  
旋樽俎齋心肅松楸露氣鮮一誠



神貺協百世

帝圖綿大祀昭明恪遺徽覽蕩平山川神禹跡風  
雨帝堯年俗尙餘淳樸耕桑樂靜便懷豐情最切  
在鎬賞還延旭日臨

瑤陛天香靄

細旃冠裳周禮備金石舜韶縣列服梯航至遐陬  
職貢遄共承魚藻宴羣賦蓼蕭篇

天縱兼神武時清舉獵旼分黃道正繖擁翠微  
圓萬馬呼鷹起千林搏虎還星移飛羽箭電掣逐  
花羈塞宇

聲威播霜秋，獮禮崇。

睿顏真穆若。

曩烈尚依然，渭水何堪擬。長楊未許聯，小春方應  
律。飛雪已盈阡，旃轉祥光麗。

鑿迴瑞靄驚，廣殿臣委佩。歌舞士垂鞭，大酺均三  
壤。含哺暨八埏。

天庥誠浩浩。

君德倍乾乾，無逸懷繩武。丕承凜濟川，臣才慚作  
頌。介福晉瑤編。

恭和

御製出古北口原韻

金城萬里接東遼勢擁雄關倚碧霄地控北藩人  
入覲秋臨古塞馬嘶驕於今

帝治無中外自昔邊庭費御調廿載侍臣重扈  
蹕欣看野老拜賡

堯

夜坐卽事

獵罷秋山返旆旒蕭條館舍一燈明將歸兒女情  
逾重久客功名念轉輕梁燕已空人去後禁鐘還  
度夜來聲詩中自古憐邊塞八載於今此地經

和韻四首

漠漠平沙月印霜  
白雲黃鶴自迴翔  
山齋有約成佳會  
一夕燈光上短牆

其二

路繞天涯碧宇空  
桂旗初御晚來風  
澗雲溪水知何在  
不見霜林二月紅

其三

邊野塵消宿靄收  
放懷何處惹新愁  
客中識得閒中趣  
便認瓊樓是戍樓

其四

蔓老籬荒已暮秋黃花那復近  
窻幽偶然吟到焚香句隔斷重簾不上鉤

元孫容

照安恩

校字

德蔭堂集卷十

長白阿克敦撰

曾孫那彥成校刻

餘集

頌祝二十韻

聖謨三代遠睿慮萬年長節以勤爲理恭因儉益  
彰宵衣供澣濯肝食省瓊粳室見雲盈牖臺無栢  
作梁有餘留造化恆足享安康更下蠲租詔時修  
訓俗方崇墉歌黍稷畧返虞唐處處豐成豫年  
年雨若暘一人欣有慶三祝獻無疆衍易符河洛  
知天協混茫史占星露瑞廷奏鳳麟祥佳氣浮雙

闕和風鼓八荒利貞由大畜篤實自輝光福錫升  
恆算春增沆瀣觴九州齊禱頌百卉競芬芳錦浪  
桃花暖瑤枝蕙草香金莖凝湛露玉管動清商翼  
翼心何極悠悠樂未央雍熙諧舜禹歷數接羲黃  
天壽惟平格微臣敢拜颺

冬雪應制十二韻

黃鍾吹律管瑞雪應

昌時欣慶豐年兆賡颺

聖德詞彤廷瞻皎潔丹陛映葳蕤萬樹瓊瑰滿千  
山組練披混茫天地合變理

帝王知時若寒無煥休徵信不疑

九重深煦嫗四海動謳思金谷鳴瑤瑟梁園醉玉  
卮山陰閒放棹灞上遠題詩雪捲鷺毛散風回柳  
絮遲若非攀鳳翼安得咏龍墀却愧相如賦  
天葩爛漫垂

夏至祀方澤應制十二韻

坤元崇厚德典祀重方丘北至陽居極南郊禮並  
優函鐘先太族中澤應神州幣薦黃琮瑞匏兼黝  
犢饁山川羅侍從冥稷酢觥籌七獻

皇儀肅千方嫗育休神光還燭夜大火豈知秋蕩



行市... 卷一  
蕩薰風轉芄芃秀麥稠明堂旋玉軫率土靜金甌  
后配原非古汾祠亦可羞有明初合饗

昭代自遵周職忝陪禋瘞高深仰

聖猷

命詞臣纂修佩文韻府恭紀

博覽羣書大同文

當代遵藝林供採擇學海備淵源稽古常嫌少居  
今不厭煩

宸衷虛若谷

上命類分門仍踐前人跡應將近事存爰

頽典籍府如入漱芳園四部相搜輯三長共討論  
精能來太乙巧可奪天孫開卷知顛末標題探本  
原工夫方歲月嘉惠滿乾坤自得成編力無勞聚  
訟喧光華逢此會萬世頌

皇恩

幸魯盛典恭紀

翠輦迎朝日霓旌御曉風千官却扈從萬姓共呼  
嵩泰岱祥雲裏龜鳧瑞靄中隆師臨闕里開講盛  
黷官檜沐恩波徧著滋雨露融樂堪三日聽奠乃  
一牢同典禮千年合威儀百代崇奉璋徵髦士執

鬯儼元公錦綺花含笑金緋霞應空道傳先

後聖統接古今隆佾舞獻方罷雍歌徹已終罷光  
追繡紱流惠及編蓬博士麗洪沛詞臣紀載工絲  
綸垂奕世筆墨發顓蒙地隱尼山豹天開華渚虹  
小臣思頌德無以測

皇衷

恭祝

皇上萬壽無疆七言排律三十韻

聖歷重熙五十年光華復旦喜陶甄文謨武烈丕  
承遠乾始坤成化育全道並勲華還蕩蕩孝兼述

作正綿綿小心自著盤盂戒大業因傳雅頌篇荒  
井窮簷深雨露橫經負未聽匏絃蠲租屢下寰區  
詔伐暴嘗揮瀚海鞭電閃旌旗騰虎豹颺馳蛇鳥  
靖風烟奇謀自是如神智獨斷由于仰法乾歸馬  
放牛興禮樂金甌玉燭奠山川

一人有慶皇惟極萬國咸寧德罔愆節儉宵衣供  
浣濯恭勤盱食簡章編九疇天錫彝倫敘一畫圖  
窮太極先識洞古今明治體學探孔孟接心傳  
宸章玉海雕瓊麗

膚藻巴江濯錦鮮思入風雲奎壁動氣參造化日

星懸墨花香暖銀鈎細筆陣霜清鍊畫妍春盡離  
宮栖浚泊秋高別殿坐游溪殷殷好問諮劉向抑  
抑虛衷訪服虔日進無疆基宥密自求多福降聯  
翩俾臧俾熾休徵集如阜如岡景命駢五老河圖  
呈上瑞八公道術授真詮翔麟舞鳳銜珠草合璧  
連珠耀紫躔聖到知天方體健數從大衍更迴旋  
春秋鼎盛無窮矣氣運方隆曷極焉離電旋樞原  
有自神光照室豈徒然五行七政貞元宰六合三  
才鞏帝權草木春暉難報答蟲魚氣候易昭宣慚  
非賈董陳時策寧比鄒枚賦楚荃不識不知忘

帝力乃神乃聖戴

堯天書生草野將何獻唯祝

天皇萬八千

擬西苑觀麥應制

西苑晴曛景物宜  
芄芃麥隴映朝曦  
金莖露洗千林迴  
玉輦風迴九穗奇

念切彤庭勤省問  
祥開繡陌動謳思  
行生共仰成功遠  
自有恩波徧八陲

恭祝六句

聖壽四首

萬壽欣逢景運昌普天胥慶祝無疆

聖文神武皇風遠乾始坤成

帝澤長

福錫升恆增寶籙春浮沆瀣進霞觴卽今玉歷初  
週甲欲紀仙椿莫可量

舟車輻輳識輿情野老依依戀

帝京

內府頒金邀曠典

彤庭勸酒沐奇榮惟將孝弟培風化自致中和慰  
聖明從此寰區知所尙好書星露表昇平

天心祐

聖聖勤民畎畝偏勞

睿慮頻每

詔蠲租深雨露相安樂業致

尊親呼嵩纔見稱觥後潤物旋看沛澤均共躋春  
臺歡率土應知壽域自無垠

廣布

絲綸徧八埏加科更覺荷

恩先菁莪化洽中州盛樗櫟材膺

簡命專

德蔭堂集

卷十 餘集

六



覆載生成均煦育升恒氣象共昭宣  
微臣敬獻岡  
陵頌不數靈椿壽八千

恭和

御製登盤山天成寺江山一覽閣作原韻

曉隨萬騎登層級一派山光衆壑分

仙仗乍從林外見梵鐘遙自嶺頭聞  
綠溪水繞流聲靜碧宇塵開入望紛

御藻欣瞻添盛景無邊秋色盪高雲

皇上御極之四年歲次己未四方寧謐農事告成

冬月諏吉

閱兵南苑是日

上躬擐甲胄校射晾鷹臺復

親臨行隊

指授規宜軍威與雪日爭輝士氣較霜風更勁方  
太平而勤武備誠億萬世鞏固之鴻圖也臣  
恭逢大典敬賦五言二十四韻以紀其盛

禮樂同文日清寧偃武時

承乾綿景祚

出震際昌期萬國梯航集三霄紉縵垂心源先子  
姒治統接軒義德與環瀛遠恩周草木知元工呈

歲稔大閱及冬曦樹隱平沙外皋連瑞雪滋尙方  
陳

法駕司馬導前儀

翠葆臨畿甸崇臺敞地維彤霞籠

帳殿彩色上旌麾擐甲

天威重穿楊

聖武奇拊循徐按轡簡練慎交馳義滿堂堂陣仁  
涵正正旗五花紛禁旅八卦演神師日下金光動  
風前畫角吹戎行嫺進止

睿算授機宜令布雲雷赫旌搖星斗移程材森紀

律挾縹藹春熙出牧傳新句車攻薄舊詩

聲靈誠莫禦

廣運杳難窺顧此丕繩緒真爲鞏固基藩籬無戰  
伐恬養在蒸黎

上悅軍容整人欣

帝澤施微臣叨侍從歌咏效傾葵

恭和

御製南苑大閱謁

元靈宮原韻

大化周無外仁風六宇翔飛灰迎律管瑞雪散寒

光廣陌林餘白平原草間黃飄飄瞻

御旃靄靄襲天香沒蕩晨輝淨微茫曉霧涼軍容  
環將士營制跨橋梁心欲符

前聖行因禮梵王敷文同樂育講武倍張皇穆穆  
威聲遠巍巍

帝道昌布恩盈地軸行健法天蒼

謨烈原無上觀揚永不忘版圖通絕域職貢及遐  
荒深幸依庭闕多慚八拜颺昇平占物象豐稔兆

嘉祥

脣藻卿雲麗

宸遊淑景長

閱兵南苑日稽首頌時康

恭和

御製恭奉

皇太后幸湯泉原韻

一水繞山莊

宸遊協秉陽瑤池騰煖炤玉液效靈長非獨

皇情豫歡承

母后康

恩波流不竭永矣固金湯

恭和

御製韻松軒原韻三首

青翠接遙岑超然衆木深清標閒白日靜籟叶瑤  
琴屈曲猶千尺蕭疎自一林山中邀

睿賞長此抱貞心

昔日依泉石耕樵伴野夫

宮庭欣得地雲鶴許爲徒葢影風前定濤聲空際  
輸洹寒時不改元氣協貞符

別苑倚峯新松軒落韻頻高懷時獨對老榦莫能  
鄰古意含霜色蒼皮帶雪鱗旁求勤

聖慮何處有沉淪

恭和

御製天成寺撫觀乾隆七年遊盤山記因而有作

原韻

翠黛縷連俯澗流  
琳宮高出一峯頭  
半林朝旭迎仙仗  
十月輕寒似暮秋  
碧蘚霜披黃葉下  
丹崖晴露白雲收  
無邊風景供宸藻  
重向豐碑紀勝遊

恭和

御製萬松寺原韻三首



松風環紺宇落落散林殊冷翠時相貺清風亦可  
娛舒陰常不改挺節更誰扶空谷傳天籟聞中性  
有無

萬樹倚峻嶒

鑿旂趨曉登沒雲飛作伴明月照爲朋  
合亭亭暮靄凝疑梵鐘林外落無語復何徵

歲寒霜雪容一望綠陰濃近寺無凡木排山盡古  
松烟光浮塔影風意到裘茸勝地消塵慮悠然見  
旨宗

恭和

御製駕幸翰林院賜宴分韻聯句後復得七言律

詩四首并示諸臣原韻

翰苑風和氣若春

御筵清樂足芳珍  
蘭臺棟宇光雲漢  
鳳沼簪纓集  
侍臣

聖藻欣瞻同日麗  
宮羅初啟拜

恩新登瀛自昔傳  
佳話幾見

楓宸降輦巡

仙仗凌晨動彩鑿  
爐烟濃處進賢冠  
直同殿拜千秋盛  
莫作歌風一例看  
書

賜瑤函香細細扇開雉尾影團團

皇情到此知何極萬里波澄海上瀾

清班列坐儼星聯玉署人歌湛露篇長使巖廊多  
俊士肯教草野有遺賢屏開

黻座留華省堂

錫嘉名帶碧烟何幸身依雲路近不須蓬島問神  
仙

天語親承淑景融好將篤棊答

宸衷傳心不以詞章重紀盛還知禮樂崇詩誦緝  
熙期日進書陳兢業敢雷同自慚卅載簪毫吏姓

字重叨葢籍中

恭和

御製翰林院宴畢

駕幸貢院七律四首原韻

恰逢陽月最佳辰

特典傳宣遍九闈  
纔向花磚

親翰墨更從棘院

閱艱辛搜羅每下求  
賢詔襄贊終期橐  
筆人此日翠華勞  
警蹕千秋文苑總  
含春

文昌司命屬三台  
玉尺金臺校衆才  
天地篤生寧

偶爾國家培養亦深哉誰將美錦心爲製漫道紅  
紗眼未開好待春風秋露日持衡一矢潔清才  
養成毛羽自飛搏厚祿休將末學干海底千枝收  
欲盡竿頭百尺進猶難曲江高會題仙籍雁塔芳  
名重禮官次第上林花信到莫教嘉實鳥銜殘  
芹生玉井碧香沉海宇欣傳

御筆吟下土有懷無不達

聖情能鑒一何深焦桐留韻歸宵雅秀木儲材積  
鄧林共識

垂衣敷大化鈞陶萬類荷

皇心

重葺翰林院落成

車駕臨幸賜宴送大學士鄂爾泰張廷玉進晉以  
張說東壁圖書府五律字爲韻得詩字

玉堂雲際起

彩仗日邊移

睿藻披蘭省

恩波溢鳳池圖書紛秘府禮樂及昌期

寵錫夔龍佐文聯班馬詞持衡慙要職珥筆憶當  
時燕樂承

君貺同歌天保詩

恭和

御製落葉詩原韻

一氣鴻鈞任自由風前葉落更誰留  
飄來有意催寒近著處無心付水流  
遠岸低隨鴉陣暮平沙晴帶雁行秋  
就中領得清踈趣不羨張衡咏四愁

冷艷經時悵晚紅無端籜卷又成空  
蕭蕭應許雙眸豁瑟瑟還侵兩鬢蓬  
篩瓦乍驚涼後雨敲堦每趁夜來風  
那堪砧杵聲偏急盡入霜林九月中

碧空澄澈見天心不比春山花木深  
剝盡鉛華留

素質刪除蒙密露清陰鄭公柿紙從人拾坡老蘓  
尊倩客等寄託別超埃壘外沒雲明月有知音  
靜裏風光刻刻殊凋殘林壑不相須方辭木杪今  
仍有未綴枝頭昔本無白露零時猶隱鹿青霜隕  
後尚棲烏試看絕澗層岩上古栢虬松剩幾株  
寥廓無邊近若何榮衰物態幻情多傍崖任取鋪  
蒼蘚點水從教逐逝波臘雪不妨培落木東風依  
舊到寒柯摧殘一轉陽春脚夾岸青青覆玉河  
節候悲秋却有秋綠乾黃墜豈關愁蒼茫影外開  
村舍索寞聲中下釣舟百蜡因時勤報賽三驅



命駕習軀劉

宸衷撫景文瀾起葉底蟲書愧海漚

元孫容

照校字